


مکتبہ علمیہ دارالافتاء

۱۸ نجی سنہ

غیر رجب ۱۴۱۵

جزو، عدد : ۷۳





پارسدن لوندرهيه - و - اوتل متروپول

(مابعد عن جزؤ ٧٢)

بوصالونك قبودن دخول اعتباريله صاع جهت ديوارى درت متره عرضنده
آجلش اولديغندن بۇرادن ديگر واسع بر صالونه كيريليوردي . بوراسى بر
(خلا) ايدى . فقط نصل خلا ؟ آنى تعريف ايتك جدأ مرتبأ استخاله ددر .
چونكه بر شئى تعريف ايجون اوشينك ممانلى نيك وصكرده آكا تشبيه ايتك
اقتضا ايدر . حال بوكه لوندرهيه ، اما يالكر لوندرهيه كورمامش اولانلره انگتره
خلالرى اوزرينه ايضاحات كافيه ويرمك قابل اوله من (١) شو قدر ديه بيلورم كه
طهارت ، نظافت ، ظرافت ، زينت ، گهي بسنديده طبيعت نه قدر بدايع مدنيت وار
ايسه كافهسى مكملأ جمع ايدلمش . اولار لرله مجلا ورنكارنك خرده جيني پارچه لرى
اشكال هندسيه اوزره فرس ايدلمش . ديوارلره سقفه قدر ، فقط نقوش مذهبه ايله
آراسته چينيلر قابلاغمش . ايكي طرف ديوارلرينه اون ايكيشر دانه يكاره چينيدن
دوكولمش وديوارك ايجنه حجره وارى برر (مبال) (٢) يابلمش و بونلرك يكدىگيرى
ساتر اولمق اوزره ايكيشر جهته ده ديواردن خارجه يارمشر متره فرلامش آدم

(١) لوندره نك شهر ايجنده كي خلالرى (لوندره شرحى) عنوانيله ايلروده مجموعه سزه
درجى مقرر اولان مقاله ده تعريف ايدم بجز .

(٢) ميوه ، مكفسه و سرحله و زنلرنده ادرار ايديلان قابه اطلاق اولنوركه آكاسمانزده
اوردك دينور . بو مناسبتله توسيعأ تيول ايجون تخصيص ايدلمش اولان بو مثالور برلرده
استعمال اولنه بيلورسه ده بوكه يني (آبريز) گهي منقول اولان آلت تيولده تخصيصأ استعمال
ونابت اولانلرينه ده - لسان عربده كالى جله نك مسلمى اولان ذهني افندي حضرتلرينك رايلىرته
امثالأ - مبال تسميه ايتكى موافق صورته حال عد ايلدك . (للاطلاع)

بوینده ینه یکپاره صحاکیدن برر سپر ربط ایدلمش وهر (مبوله) نك اوزرینده
 برر الیقتریق لامبسی تعلیق اولمش . و حجره لرك قسم بالاسنه آچلمش یگر می
 قدر ثقبه دن بلافاصله (اودوران) یعنی تورنج روحی مخلوط صو صیزمقد
 اولدینی گبی . بو مباللرك قورنیه مشابه اولان دلیکلی محملرینده استوانه شکله
 قیریسستالیزه برر (آسیدفنیك) قوغش . حاصلی قوقو وار اما موجب استکراه
 قوقولردن دکل . باعث انشراح رایحه لردندر ! بو ایکی دیوارك نهایت بولدینی جبهه
 دیوارینده سکر مستراح یاپیله رق هر بری غایت مصنع قبولرله ستر ایدلمشدر .

ایشته اوتل مترقبولك بودزوم قاتنده کی خلایله مباللری بؤ وجهله تنظیم
 اولمشدر . مشاطت سالوننده ایکی ده قوللق صندلیسی ایله اوکنده اوفاق براسکمله
 واردرکه . استیان بوقولقلره اوتورر و آياغی اوکوچك اسکمله یه قویه رق بوتینلرینی
 اوایشه مأمور خدمتکارلره بر نوع بیاض روغن ایله بارلاتدیرر . بؤ خدمت
 مقابلنده اوتل مشتریلری بر آچه ویرمکه مکلف دکلدر . حتی اوتله اقامت ایدنلره
 گلان زوار بیله کرک شابقه لینی و کرک آياق قابلرینی بو خدمتکارلره وروب
 بادهاو تنظیم و تطهیر ایتدیرر . چونکه اوتله گلان زواره دخی اوتل مشتریلری گبی
 حرمت و معامله اولور . و چونکه بودرلو خدمت واکراملر اوتل حقنده خلقلک
 توجه و رغبتنه و بوتوجه و رغبت ایه بیك درلو اعلانلردن زیاده اوتلك حسن صیت
 و شهرتیه خدمت ایدر .

§

بورالرجه مدنیت غربیه بر طاقم تکلفات یهوده فر نکانه یه محمول اوله گلدیگی
 جهته شمعی شو مستراحلر حقنده کی تعریفاتر ارباب مطالعیه اوتندن بری بسلیدیگی
 اعتقادی تشیددن بشقه بر فکر حاصل ایتدیرمه جگنی بیلورز . فقط بزجه
 معروف اولان و تعبیر آخرله مؤلفاتر زده هنوز بر تعریف مکملی بیله گوریله میان
 (مدنیت حقیقه ایله) بزجه زعم اولنان مدنیت بتون بتون بشقه در .

مدنیت ندر ؟

بر ادیب حقایق آکا همزك تعریفی وجهله — آسایشده کمال .

ایشته شو آسایشده کمال تعبیرینسک مفهومی . مدیتی هر درلو افرادینی جامع و هر درلو اغیارینی مانع صورتده ازانه ایدر . یوقسه بر جیقورک اوزرینه ایکی خطیل اوزاده رق و اوستنده ایکی طاشی بر قارش فاصله ایله یان یانه قوبه رق بر کنیف تشکیل اتمک دفع حاجاته بر واسطه عد اقلنور و بوده داره مدیتده یشایانلر ایچون کافی . کوریلورده . آنک انتظام و نفاستنه جالشق عبث عد اقلنور ایسه بزجه مدیتک معنای حقیقیسی و یا حقیقت مدیت آکلا شلماش اقلور .

آسایشده کاله ایله مفسر اقلان مدیت . آسایش بشری ضمان امنیت آلتسده ادامه ایتدیر مک ایچون هرشیدن اقل وسائل حفظ صحیبه اعداد و استکماله مصروف اقلیدر . بوکا ایسه کافه حیوانات اهلیه نك و تخصیص انسانك احتیاجی وارددر . یشامق ایچون صحت وجوده محتاج اقلان ابنای بشر محافظه صحت ایچون آنی اخلال ایدن حالات و عوارضه نصل میدان ویره بیلور ؟ انسان خوابگاهنده نصل جید بره وایه محتاج ایسه خانه سنك هوای صافی اخلال ایتماسی ایچون گاریز و خلاسنی دخی او مرتبه اصلاح و تنظیم رعایت اتملی در . زیرا اورادن نبعان ایدن هوای منتنی اثنای تنفسده بلغ اتمکله نه قدر . مهلك خسته لکله اوغر اندلرینی اربابسه معلومدر . برشی که مضر صحتدر ؛ آسایش بشری بخلددر . مغل آسایش اقلان هر برشی خلاف مدیتدر . زینت و نظرافتله حفظ صحت آرسنده بر مناسبت و یا هیچ اقلزسه ملایمت متصور میدرکه . خللرک بۇ درجه لرده کافله تنظیم و تزیینی لوازم مدنی و تمت آسایشدن عد ایدلم . واقعا بویله بر اعتراض وارد اقله بیلور و ظاهر حالدهده حقلی کورینور . فقط طبیعت بشر حسن انتظامه مائلدر . کوز دائمًا مناظر لطیفه ایله ملئذ اقلور . دفع ایدیله جک شینك مردار اقلقلنی و آنی دفع ایچون صرف ایدیله جک زمانك بر زمان کراحت عد ایدیله جکی دوشونیلکله او محل دفعك دخی اك مستکره . اك منفور . اك برباد . اك مظلم . بریر اقلسی نه دن لازم گلسون ؟ طبیعی اقلان شو حاجتی دفع ایچون صرفه مجبور اقلد لفر زمانی منظره مزى تزیین ایدرک بکور رسه ك کیمك تعیبه حتی اقلور ؟

بورادن چیقجه صول جهته کوریلان جاملی بر قیوی ایتدک ایجرویه کیردم.
مکر بوراسی ده (بروکاز) صالونی ایش، بورالجه حتی، سواد غریبه بیله
امثالنه تصادف ایتدیگمز تراشه مخصوص یوکسک و هر درلو وضعه تحویلی ممکن
ما کینلی قولتلر بولنیور. درت بش کشی ده صاج کسک و تراش ایتدیگله مشغول.
صالونک بر قسمی ده جاملی بر طوغرمه ایله تفریق اوله رق اجرای مشاطت ایتدیز مک
ایستیان نسوانه تخصیص ایدلش. فقط مشاطلرینه رجالدن. لوندره بر برلرینک
عمومی، مشترینک باشنی بیقامنی تمات تراشدن عد ایدرلر. حتی تراش اوله رق
کونده برقاج دفعه یالکیز باش بیقاعتق ایچون بر برلره مراجعت ایدنلر تراش ایچون
گلانلردن زیاده در.

چونکه لوندرده برقاج میلیوندن زیاده اوجاق باجه سی اوله رق بونلردن کل یوم
صعود ایدن دومان هوایه قارشدقن صکره سیس گی و حس اولغز درجه ده رقیق
اوله رق یاغدیغندن قوللر، یقالر، یوز کوز عادتاً عیم سیاه کسلور. بوندن طولاییدرکه
احادناس آرمه سنده بیله ال دیونسز کزنلر اندردر. بناء علیه نظافته رعایت ایدنلر
کونده برقاج کره تپهره مجبور اولور. بن ایسه او کون مانشی آشدیم گی
برقاج یوز کیلومتره مسافه یی ده شمدوفرله قطع ایلدیگمدن، باشیمی بیقاتفه وجوهله
محتاج ایدم. باخصوص لوندره نك الك بنام بر برلرینه بو خدمت مقابلنده ویریان
اجرت ۳ بنی یعنی آلتش یازدن عبارتدر. بناء علیه پرده ایله اورتلش بر قبو
داخلندن گلان صو شارل دیسندن، اوراسنک دارالتطهر اولدیغه حکم ایله پردی آچوب
ایجرویه کیردم. فی الحقیقه تخمینده اصابت ایتشم. اورایه کیرنجه بو ایشه مأمور
ایکی قادینه اوج ازکک اوله رق قادینلردن بریله ایکی ارککک مشغول اولدیغنی کوردیم.
بن کندوسنه توجه ایتدن قادین بگا ارائه مقام ایتدیگندن نه کتم ایدهیم شو معامله
مسافرنوازه دن محظوظ اوله رق ایدی نظافتیورانه سنه تسلیم سره مسارعت ایتدم.
بو صالونک درت جهت دیوارنده اوچر قورنه ایله اوچر آینه و هر قورنه نك
یاننده دخی میاه مسخنه و باردهیه مخصوص و اوچلری سوزجکی متعدد لاسدیق
بوری موجود ایدی.

بو بوردلردن بعضیسی صیجاق صو ایله صفوق صوینی مساوی بر مقدارده ویا برینی بمقدارجه دیگرینه غالب اؤلهرق اخذ ایستدیکندن ، مثلاً یگریمی بش درجه حرارتدن درجه غلیانه قدر استیلان رادهده ایلق و صیجاق صو اجرا ایلکده در . بربرلر ایسه بونلری مشترینگ باشنه کوره استعمال ایدیور . یعنی صاجدن عاری بر باشه بردنبره صیجاق صو اورمق قفای ییقامقدن زیاده خاشلامق اؤلهجفی ایچون بویله طازلاق باشلری اؤل امرده ایلق صو ایله آشدیردقدن صکره بالتدریج زیاده صیجاق صو ویرن بوردیلری تقریب ایدیورلر .

ایشته بو صورتله باشی ییقادقدن صکره برنوع هند بامیه سنک لّین ورقیق الیافلهده بوینی ، قولاقلرینی تطهیر ایدر . بو ایش ییتجه غایت صفوق و عطریات ایله مخلوط بر صو ایله سرینلیدرلر .

بو ایشلره مخصوص بوردلرک اوچلرندکی سوزکچلردن عادتاً قیل اینجه لکندنه صو فشقردینی جهتله انسانه هیچ بر صورتله موجب سرسامی اولمز . حتی الک صیجاق درجهدهکی صو بیله بو صورتله رقتله فشقردینی ایچون هوایه تماسیله برابر درجه حرارتی زائل ایستدیکندن تماس حالنده تی یاقمز .

باش ییقامق ایچون صرفه لزوم کورینان زمان ، نهایت بش دقیقهدن عبارت اولدینی ایچون انسان کونده اوچ درت کره ییقانسسه بیله انگلیزلرک (نقد) ایله هم قیمت اولان (وقت) لریچون پک بیوک بر فداکارلق صائیلار .

(مابعدی گلهجک نسخهده)

ابوالضیاء توفیق

